



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Fasti Mariani**

**Brunner, Andreas  
Pfeffer, Wilhelm**

**Antverpiæ, [1659 erschienen] 1660**

S. Chariton Conf. 28. Septembris.

**urn:nbn:de:hbz:466:1-42032**

per Boleslawm in mensâ obruncat. Sed parricidum novercæ matris, neque ipsa quidem Styx tulit: curru quippe vectam cum omni comitatu (si modò aurigam excipias, qui ære campano excitus ad aram accurrerat) vivam absorpsit, utique non levem terram habituram, cui viva tam gravis fuerat. Ex Surio.

*Nemo speret in patronis, nemo in amicis aut parentibus. cum etiam frater fratrem tradat in mortem, pater filium & filius patrem. S. Ioann. Chrysol. hom. 24. in Matthæum.*

S. CHARITON CONF. 28. Septembris.

Se persuasum habeo, uti dedecus plenum ignominia civi Romano fuit, ita plenum gloria factus Christiano fuisse, ad tribunal cæli. Cur etiam CHARITON nobilis Iconii civis obtorto collo in jus iniquissimum raptatus exultavit etiam gaudio, cum in crucis formam extensus flagris caderetur barbarum, & facibus ustulareretur miserandum, nisi quòd uni Scevolæ Romano invidiam facere omnes Christiani velent, docereque nullis honestiores cicatrices esse, quàm pro Christo tyranno acceptas? His plenus miles noster in carcerem detrusus est. Aperuit tamen hunc, quæ vitam clausit impiam Aureliano mors impia. Ergo liber CHARITON, ut Christi vestigiis insisteret, instituit Hierosolymam petere; sed interceptum ex itinere prædones in antrum suum abducunt, ignari a captivo se spoliandos. Etenim cum palantibus illis serpens haustum libasset, mortem omnes sub adventum biberunt, & è vinculis CHARITON Angeli operâ exemptus, spolia omnia prædonum prædam pauperum fecit. Inde jam animis insidias fructu

struere CHARITON, & ex urbe socios vitæ plures in silvas pellicere, jamque asceteria tunc condere, verbis, exemplo tenere. Post hæc denique placuit rupem conscendere (per solas scabros aditus erat) indeque velut ex arce suis advigilare. Fons quoque cum deesset, lacrymis hunc mercatus est. Denique cum ad suos undique convocatos pro virtute verba faceret, dixit & vixit. *Ex Metaphr.*

*Si mortem assidue meditaberis, non peccabis: si ab omnibus terrenis negotiis liber ac nudus fueris latronis impetum non timebis: si hæc caduca & fugacia despexeris, victoria palmam obtinebis.* S. Ephrem in Beatitude.

S. LIOBA ABBATISSA. 28. Septembris

**L**IOBA est, nobilis cum primis & Deo dicenda virgo, eademque virginum multarum mater. Et hanc, cum Germaniam percoleret D. Bonifacius, ex Angliâ in auxilium evocavit, ut novo Parthenoni Bilchofheimensi Antistes præficeret. Vitam vixit, quam rebellis cælo Angelus invideret homini. Inde cum labe nullâ posset, similibus rumoribus famam vitæ virginis aggressus est in hunc modum. Muliercula stipe visitabat, quam in dies singulos virginum asceterium portigebat. Hæc cum prolem extra thori leges enixa esset, crimen mergere cum partu in rivo voluit, qui cœnobium proximus alluebat. Sed non eluctæ aquæ facinus; prodiderunt, & in suspicionem cadis ad populum totum virginum Collegium vocarunt. Hic LIOBA in auxilium Superos passis manibus tam diu vocare, dum Davidis cumula carmina percurreret. Inde cœnobii muros circumlatâ cruce lustrare. Neque refugit patrocinatæ celum.